

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1764

Periodus Tertia. Rudolphina

[urn:nbn:de:bsz:31-295098](#)



HISTORIAE
ZARINGO-BADENSIS
LIBER QUARTUS.
PERIODUS TERTIA
RUDOLPHINA.

C A P U T I.

RUDOLPHUS I. AB A. 1242. ---- 1288.

§. I.

 Universam Domus Zaringo - Badensis Historiam Nexus.
in septem Periodos majores divisimus; qua-
rum quatuor priores, Alfato - Brisovicam,
Zaringicam, Hermannianam & Hachbergi-
cam Tomus primus exposuit.

Tom. II.

A

Rudolphina, Bernhardiana & Christophoriana exponen-
dæ supersunt.

Rudolphina, quam aggredimur, sex constat Rudolphis;
quorum primus & sextus Marchiam omnem, reliqui in partes
divisam, possederunt, quibus Principis dignitas fere fuit one-
rofa.

Sex Hermannis ergo, quos supra enarravimus, sex succe-
dunt Rudolphi; centum & viginti circiter annorum explentes
spatium, suo fine memorabile; quod Rudolphus VI. dispersas in
corpus recollegarat partes; cui novum vigorem & pristinum ro-
bur conciliavit successor, novæ epochæ conditor, Marchio
Bernhardus.

§. II.

Rudol-
phus I.

Rudolphus Badenses inter Marchiones hujus nominis pri-
mus; Hermanni V. ex Irmengarde Palatina filius; Hermanni VI.
qui genus suum in Austria propagaturus credebatur, natu junior
frater; stirpem Badensem propagavit in Marchia.

Hermannus perpetuas inter turbas rexerat Austriam. Ru-
dolphus in diuturno illo Germaniae interregno, quod vocant,
Marchiam regens, illi parti adhaesit, quæ Hohenstauffis adversa,
Henricum Rasponem, Thuringiae Landgravium, atque deinceps
Richardum, Regis Angliae fratrem, Germanorum Reges
agnovit.

§. III.

Munificus & liberalis in ecclesiis, more gentis suæ & se-euli, fuit noster Rudolphus.

Munifi-
centia in
ecclesiis.

Junctis enim cum fratre Hermanno consiliis jura patronatus in Ettlingen & Baden, decimas in Ifftsheim, villas Winden & Buere, curias in Osse & Eberstein aliaque bona A. 1245. matri suæ donavit; quæ, condito a se prope Badam Lucidæ Vallis Cisterciensium parthenio, quod ingressa est, bona illa tradidit.

Tria post lustra curiam quoque in superiori parte villæ Summesheim (*a*) Rudolphus eidem claustro concessit, ut in parentum suorum & Hermanni fratris sui, Austriæ Ducis, anniversariis laetius viverent moniales. (*b*)

A. 1277. dimidiā partem decimarum oppidi Etteningen (Ettlingen) eidem Lucidæ Vallis cœnobio donavit Rudolphus. (*c*)

§. IV.

Marianum Bickesheimense Fanum, ^{Fanum} bihorio ab Ettlinga ^{Bickes-} heim. distans, si non primum, certe primarium conditorem Rudolphum

Tom. II.

A 2

(*a*) Sunnesheim, hodie Sinsheim prope Badam & Lucidam Vallem.

(*b*) GAMANSIUS *Genealog. Bad.* pag. 185.

(*c*) Cod. Diplomat. Badenf.

nostrum agnoscit. Ædes hæc, sacris peregrinationibus inclyta, Rhenum inter & Martianæ silvæ montes, in fertili & amœna platiæ sita, ad hunc usque diem conditoris sui & Cunigundæ Ebersteiniae, uxoris ejus, insignia primæ columnæ insculpta, conservat, quæ suo loco exhibemus lectori. (d)

Rosa quinque foliorum Ebersteiniae gentis fuit primævum insigne. Hæc non modo in columna, sed & in fenestris, retro altare minoris ecclesiæ nunc flavo, nunc rubro colore picta variis modis reperitur.

Fenestræ ædificio coætaneæ, adeoque quingentorum annorum sunt opus. Ædificatio circa A. 1250. facta censetur. (e)

§. V.

Mona-
ster. in
Alba.

A. 1251. Rudolphus confirmavit ea, quæ parentes fratérque Hermannus monachis in Alba concesserant. (f)

Eiusdem Albani monasterii Charta anni sequentis oppidi Etheningen munita sigillo, mentionem facit *Illustris Dom. R. Marchionis de Baden & Advocati ejus Monasterii in villa Malsch.*

A. 1155. monialibus in Steinheim suam curiam ibidem cum pacto relutionis vendidit Rudolphus. (g)

(d) Inter sigilla domus Badensis.

(e) Germanica hujus fani descriptio A. 1747. impressa Moguntiæ.

(f) Alba Dominorum monasterium A. 1148. fundatum.

(g) PETRI Suevia Ecclesiastica pag. 756. seq. BE SOLD. in monaster. virg.

A. 1256. festo b. Jacobi Erlewinus scultetus Pforzheimensis expedivit literas, quibus monachi in Alba coëmerunt partem decimarum in Dietenhausen, iisque appendit sigillum civitatis, quod gentilitia Badenium insignia exhibet, manifesto indicio, Pforzheimum jam tum sub Marchionum fuisse ditione. Idem apparet ex literis A. 1257. quibus Rudolphus Marchio & uxor ejus Cunigundis, Erlewino Libenecio bona sua in veteri juxta Pforzheimum civitate (*in der alten Stadt*) Pforzheimenibus monialibus testamento legandi facultatem concesserunt.

Oppidum hoc ab Hermanni V. temporibus uxorio jure ad Marchiones Badeneses devolutum publicisque tabulis ab Imperatore Friderico II. confirmatum fuisse afferit M A J U S. (h)

Idem Rudolphus Abbatii Schoenaugiensi Benedictino Dicœcisis Wormatiensis A. 1260. permisit, ut bona, quæ a proavo ejus in Opphouuen dono accepit, venderet. (i)

Schœn-aug.

§. VI.

Idem Marchio cum Godesavienibus Benedictinæ Cluniacensium regulæ monachis, haud procul Durlaco, super plantatione villæ prope Eckenstein, A. 1260. transfegit per arbitros. (k)

Godes-aug.

A 3

(h) *In vita REUCHLINTI* p. 6. & 119. ubi Hermannum hunc appellat sextum.(i) *GUDENI Sylloge Diplom.* num. 121. *Oppau* vicus inter Manhemium & Franckenthal.(k) *Cod. Diplom. Zaringo-Badenf.*

RUD. L.

Eidem cœnobio duo talenta Hallensia ex villa sua *Neueruth* annuatim percipienda, nec non decimas minutas villæ *Lindenheim* A. 1272. adscripsit, & biennio post, una cum conjuge duas curias in Burthen, (*Beyerten*) quas Wezelo Comes & Henricus miles ei dederant, in castro suo Grezingen confirmavit. (l)

Schwarz
ach.
Schwarzacum, aliud Ordinis S. Bened. Cœnobium, per literas, A. 1288. Ebersteinii datas, vineam in Alswiler ab eo quoque accepit in donum. (m)

Back-
nang.
Backnangæ ecclesiam, ab hostibus vastatam, Rudolphus cum fratre suo Hermanno restauravit. (n) Eorundem fratrum *Hermannii & Rudolfi, Marchionum de Baden*, precibus inductus Innocentius IV. Pontifex Maximus Magistro Bertoldo, rectori ecclesiæ de Acher, Argentinensis diœcesis, privilegium præter beneficia ecclesiastica, quæ jam tum habuit, aliud quoque beneficium seu dignitatem recipiendi concessit. (o)

§. VII.

Res ge-
ftæ.
Rudolphus noster in ecclesiæ liberalis [Marchiæ tamen sive non parum prospexit.

(l) GAMANSIUS pag. 188.

(m) Tabularium Schwarzac.

(n) SATTLER Württemberg. Part. I. pag. 135.

(o) Codex Diplom. Badenf.

Steinbaco, Marchionatus sui oppido, jus nundinarum eo modo, quo Friburgum Brisgoviae illud exercebat, a Richardo Rege Romanorum A. 1258. obtinuit. (p)

A. 1263. quarto Kal. Sept. Bertoldus Advocatus & Belreimus fratres de *Wizenstein* (q), omne jus suum in castro Liebenecke & in villa Wirme, in illustrem Dominum suum, Rudolphum Marchionem de Baden, transtulerunt; vasallis suis potestatem concedentes, ut villam *Huocheveld* eidem resignent. (r)

Ex castro illo Liebenecke Rudolphus literas Argentinensis scripsit anno, uti videtur, 1269. (s)

Eidem Rudolpho Ulricus, Comes Palatinus in Tübingen bona sua in Forch & Niederbiel A. 1264. superadditis 200. marcis argenti concessit. (t)

Belli A. 1266. a Palatino & Rudolpho Marchione de Baden cum Episcopo Spirensi Henrico Comite de Leiningen gesti, mentionem facit LEHMANNUS. (u)

§. VIII.

Conradinus ultimus stirpis Hohenstaufficæ furculus, cum ^{Acta post} _{A. 1268.} Friderico, Rudolfi nostri ex fratre nepote A. 1268. Neapoli

(p) Ioh. GAMANSIUS loc. cit. pag. 194.

(q) *Weisenstein*.

(r) Codex Diplomat. Bad.

(s) WENCKER in *Apparatu Archiv.* pag. 179.

(t) GAMANSIUS.

(u) Lib. V. cap. 101. pag. 547.

RUD. I.

capite quum fuisset truncatus, (x) patrum ex Suevica Conradini hereditate aliquid occupasse tradunt, sed occupata vel silent, vel male designant. (y) Rudolphus I. Cæsar bona illa vindicaturus coronæ, Rudolpho Badensi indixerat bellum, Marchionem, pluresque Sueviæ, Franconiaæ & Alsatiaæ nobiles terrarum Imperii usurpationis accusans.

Extat Rudolphi Marchionis scriptum A. 1274. quo di-
ferte testatur, cum omnibus munitionum suarum *Sels & Seldenote* e
devastatoribus, Leininge nimirum ac Biponti Comitibus, Fle-
ckensteinii Dynastis, civibusque Argentinensibus se rediisse in
gratiam, die Dominica post Sancti Jacobi. (z)

Ludovici Palatini aliorumque auxilio in bello hoc usus est
Cæsar. (a)

Addunt

(x) Vide supra Tom. I. pag. 330. sq.

(y) *HISTORIA AUSTRALIS* ad A. 1276. *IRENICUS Exeg. Germ.*
Lib. VI. c. 108. *HEDDO* in *Paralip. ad Chron. Ursperg. CRUSIUS Annal.*
Suev. Part. III. Lib. III. cap. 20. Pforzhemium huc refert; quod tamen
Marchice ditionis jam antea fuerat, ut supra §. V. ostensum, & ex char-
ta ejusdem Rudolphi A. 1258. Maulbronneni cœnobio data, apparent.
Adde THOM. CANTIPRATA. *de Miraculis* Lib. II. Male quoque Cel-
lam (*Liebenzell*) huc refert *IRENICUS*.

(z) Ap. WENCKER *Appar. Archiv.* pag. 180. NAUCLERUS in *Chron. Vol. 2.*
Gen. 43. fol. 966. add. Alsat. illuſtr. Tom. II. pag. 181.

(a) *HISTORIA AUSTRALIS* plenior ab initio, ap. FREHER. *Script. rer.*
Germ. Tom. I. pag. 470.

Addunt nonnulli, Durlacum & Mülbergam tum fuisse occupatas & Grezingæ castrum eversum. (b)

Finito bello Rudolphus noster pacem religiose servavit, ipsumque Imperatorem Hagenoam est fecutus; ubi cum civitate quoque Argentinensi Cæsar in gratiam rediit; (c) intercedente Marchione Rudolphi, qui centum & octoginta marcas argenti pro damnis illatis præstandas ei pollicitus est; cuius promissi Henricus, Comes de Fürstenberg, Henricus Marchio Hachbergicus, Sigismundus Comes Bipontinus junior, & Hermannus Marchio, Rudolphi filius, dati sponsores. (d)

§. IX.

Biennio post Argentineñis Episcopus Rudolphi nostro intulit bellum.

Bellum
cum
Episcopo
Argent:

ANNALES COLMARIENSES ad A. 1279. rem ita referunt: „Conradus de Lichtenberck, Episcopus Argentinenensis castellum Turlac per ignem destruxit, & quæ in eo reperit deportavit. „ Bellum hoc, ut iidem nos docent Annales

Tom. II.

B

(b) KOENIGSHOV. *Chron. Argent.* p. 118. *Paralipom.* pag. 258. FUGGER.

Oesterreich. Ehrensp. Lib. I. pag. 92.

(c) *Afsat. Illuſtr.* Tom. II.

(d) Instrumentum datum Hagenoæ an dem Zinsdage nach S. Johanses Mſ

1276. ap. WENCKER. *Colled. Archivi & Cancellar.* pag. 59.

usque ad A. 1281. continuatum: „Quo Episcopus Argentenensis congregata militum multitudine Domino de Badin „quoddam oppidum noscitur obseditisse. Episcopus vero Basiliensis sibi quinquaginta milites in auxilium transmittebat. „Plures autem ex eis à Marggravio capiuntur, propter quod „pax eorum pristina reformatur.

§. X.

Matrimoniū.

Felioribus Rudolphi fatis accensendum est matrimonium cum Cunigunda, Ottonis senioris, Domini in Eberstein, filia, ex qua non tantum numerosa proles, sed & primum in terras Ebersteinenses jus Badenisbus natum est.

Pertinet hoc charta A. 1277. qua Rudolphus, Marchio Veronensis, Hermannum, Rudolphum, Hessonem & Rudolphum filios & heredes suos, ut & sacerorum suum Dominum Ottonem seniorem de Eberstein, qui sigillum chartæ appendit, ipse memorat.

Socero defuncto, cum filio ejus Ottone juniore affine suo, A. 1283. die VIII. post Sanctæ Walpurgis de hereditate uxoris transigit, partem illam veteris castri Eberstein nactus, quam Bipontinus Comes, Simon antea possederat. (e) Præter hæc quartam partem ejusdem castri pro 375. marcis argenti Rudolphus

(e) *Carlsruher Sammlungen* pag. 366. Ebersteinensia ibi egregie & solide dilucidavit III. PREUSCHEN. Vid. p. 337. sqq.

coemitt, atque Ebersteinii deinceps sedit frequenter. (f) Sed & quandoque sedit Pforzhemii. (g)

Super Altensteiga litem aluit cum Burcardo, Hohenbergico Comite, quae A. 1288. Rudolpho I. Rege Romanorum jubente terminata per arbitros. (h) Ceterum durante longa illa anarchia Germaniae inductus est noster Rudolphus Marchio, ut Veronensis quoque Marchiae, ab avo & proavo possessæ, renovaret memoriam. In sigillo enim chartæ A. 1260. *Marchio de Verona*, in ipsa autem charta tantum *Marchio de Baden* vocatur. In alia A. 1277. *Rudolphus Dei gratia Marchio Veronensis Dominus de Baden*.

• • §. XI.

Excessit e vita die 19. Novembris A. 1288. (i) post-
quam Monasterio Lucidæ Vallis, in quo mox sepeliendus erat,
præter ea, quæ jam dederat, centum marcas argenti donasset;
quod ipsi ejus filii suis literis firmarunt. (k)

Cunigunda uxor idem Monasterium ingressa, quo anno ex-
cesserit vita, non constat. Necrologium Lucidæ Vallis diem tan-
tum obitus ejus notat, X. Kalendas Maji. (l)

(f) Charta in Codice Diplomatico Badenii.

(g) GAMANSIUS.

(h) Charta Archivi Bada-Durlac.

(i) Lapis sepulcralis in choro ecclesiae Lucidæ Vallis : *Anno Domini MCCXIIC obiit Rudolphus Marchio senior de Baden in die S. Elisabeth.*

(k) Die Veneris ante S. Lucie 1288. apud GAMANSIUM loc. cit. p. 202. sq.

(l) SCHANNAT *Vindem. Lit. Coll. 1. pag. 166.*

Mors &
sepultu-
ra.

RUD. I

Liberi.

Rudolphus I. præter quatuor filios jam antea memoratos, Hermannum VII. Rudolphum II. Hessonem & Rudolphum III. filias quoque duas reliquit, ut patris & filiorum chartæ plures testantur. Adelheidis ultra 30. annos Abbatissa Lucidæ Vallis monasterio præfuit, atque die XVII. Calendas Septembris A. 1295. deceffit. (m)

Irmengardis Eberhardo, Comiti Wirtembergico, nupsit. (n)

(m) GAMANSIUS pag. 197.

Sexta Adelheidis adeſt, oriunda ex stemmate celſo,
Heroum Bada quos ſufcipit alma Duces,
Triginta cum caſta duos præſedit in annos
Sacris virginibus, mens pia juncta Deo eſt.

Rexit ab A. 1263. ad A. 1295.

(n) SATTLER Part. I. pag. 135. PREGIZER in libro, cui tit. *Wirtenberg*. Cedernbaum pag. 7. nuptias has anno 1297. celebratas fuisse ſcribit. At in literis jam A. 1296. datis feria quinta ante festum B. Johannis Baptiste, quibus Eberhardus juri ſuo in villas Langensteinbach, Uttersbur (*Ittersbach*) & Wolmarsbur in gratiam monachorum in Alba renuntiat, id facere ſe ait pro ſe, *collaterali ſua, Irminarde, uxore legitima*, fuisque liberis.



C A P U T I I.

H E R M A N N U S V I I.

AB ANNO 1288 --- 1291.



§. L

Hermannus hic, Rudolphi I, filius natu maximus fuit, stirpisque propagator. Conradi Episcopi Spirensis laudo A. 1246. subscripsit *Hermannus filius Marchionis*; & quidem post Comites; adolescens patria sub potestate constitutus. (a)

Herman-nus VII.

§. II.

In literis Conradini, Sueviæ Ducis postremi, quibus Ba- variæ Duci A. 1266. Donawerdam legavit, (b) testis quoque hic comparet Hermannus.

Res ge-stae.

B 3

(a) Vide supra Tom. I. cap. VI. §. I. pag. 322.

(b) Bayrische Deduction contra Oesterreich.

HERM.
IX.

A. 1277. Hermannus, Rudolphus & Hesso, Marchiones de Baden, castrum Lindensels cum hominibus ei adscriptis, quod a patre suo (Rudolpho) vivo adhuc, cum aliis terris acceperant, Comiti Palatino ad Rhenum *secundum jus & consuetudinem terræ* tradiderunt. (c)

A. 1278. in documento, quo Comes Fridericus de Truhendingen domui ordinis Teutonici in Oettingen bona quædam in Pfeffingen dono dedit, (d) idem Hermannus post Conradum Ducem de Tekke inter illustres & principes memoratur in Rudolphi I. Imperatoris diplomate A. 1282. quo filios de Ducatu Austriae investivit. Sequitur eum Henricus Marchio de Hochperg. (e)

Ad patris exemplum usus est titulo *Marchionis Veronensis, Domini de Baden, Dominique in Eberstein.*

A. 1281. patre adhuc vivo cum Biponti Comitibus propter Liutolsheim (Lidolsheim) & Ruchesheim (Rusheim) bellum geslit, quod certis deinceps conditionibus compositum; ita, ut simul occasio acquirendorum vicorum Spielberg & Dür-

(c) *Reichsfländische Archival-Urkunden in causa equestris Tom. I. Sect. III. cap. IV. membr. II. num. I. pag. 449.* Pretium in fragmento haud expressum, sed referunt Excerpta Actorum Compromissi Aurelianensis, & TOLNER in *Historia Palatina* pag. 42. solutas fuisse 2300. marcas.

(d) MEICHNERUS *Decis. Cam.* Tom. II. pag. 272.

(e) *Deduction de la maison de Baviere Tom. II. p. 428.*

renwetterspach (hodie Hohenwetterspach) ad Marchionem transfi-
ret, filia autem Marchionis, Comiti Henrico, completo anno
XII. collocanda desponderetur. (f)

Eodem anno Hermannus & Rudolphus fratres, Marchio-
nes Badenses, oppidum suum Selse Conrado Episcopo & Ecclesiæ
Argentinensi in feudum femininum obtulerunt. (g)

A. 1283. Hermannus junior Marchio Badensis redditus
suos in *Knodelingen & Nuwerute* (h) civi cuidam Argentinensi
pro XXVI. marcis argenti oppigneravit, unde Præfecturam
Mülbergensem, quæ vicos eos complectitur, vivo patre possedisse
Hermannum haud immerito colligimus. Rudolphum I.
filiis suis terrarum partem vivum tradidisse paullo ante ostensum.
Ipse cum filiis suis A. 1287. & sex mille armatis contra
Burcardum, Hohenbergæ Comitem, prope castrum Altinstia-
ge, quod Burcardi fuerat, pugnavit. (i)

§. III.

Obiit A. 1291. Hermannus noster, in Capella Marchio-
num Monasterii Lucidæ vallis sepultus. Sepulcralis ejus lapis

Mors &
sepultu-
ra.

(f) GAMANSIUS. Ill. P R E U S C H E N, in *Carlsruher Sammlungen* p. 366.

CROLLIUS de Comitibus Bipont.

(g) Alsatia Illustr. Tom. II. pag. 181.

(h) Hodie Knielingen & Neureuth.

(i) CRUSII Annal. Suev. Tom. II. Part. 3. Lib. 3. pag. 162.

HERM.
VII.

adhuc sum inscriptione haec habet: „Anno Domini MCCXCI
 „ obiit Hermannus Marchio de Baden in divisione Apostolo-
 „ rum. (k) „ Festum hoc in diem XV. Julii tum incidit.

Uxor.

§. IV.

Uxor ejus Agnes, Henrici & Conradi, Comitum de Vai-
 hingen soror fuit. (l) Vidua Friderico, filio suo, literas dedit
 A. 1296. quibus villam *Langensteinbach* ut venderet consen-
 fit. In illis mentio quoque sit Rudolfi & Hermanni filiorum,
 Friderici fratrum, qui annos discretionis nondum attigerant. (m)
 Neque Hermannus eos unquam attigisse videtur, quod nulla
 deinceps ejus memoria extat.

R U D O L P H U S I I.

Rudol-
phus II.

§. V.

Septem annis modo patri superstes, Rudolphi fratri ju-
 nioris respectu *senior* dicebatur; vivo patre nuncupatus *junior*.
 „ Rudolphus Marchio de Baden *junior* nobili semine Adelhey-
 „ di, sue uxori legitime, dedit & donavit mille marcas argenti
 in

(k) SCHANNAT *Vindem. Lit.* pag. 168.(l) RITTERHUSIUS *Genealog. Tab.* 127. GAMANSIUS pag. 200. aliisque.

Sunt, qui eam Geutfam, ex Anhaltinis ortam, male appellant.

(m) Codex Diplomaticus Badensis.

„ in dotem sive donacionem propter nuptias. „ Ita Rudolphus I. Imperator in Charta A. 1237. Heilbronnæ data, qua pro 1000 marcarum dote castrum Mülenberg, feudum Imperiale, Adelheidi huic, ex forore nepti, oppignerari permisit. (n)

A. 1289. tertio Kalendas Maji Rudolphus *Dei gratia* *Marchio senior de Baden* Abbatiam Schwarzacensem protectionis suæ specialis & salvi conductus diplomate per omnem Marchionatum liberaliter munivit. (o)

Tom. II.

C

(n) Male itaque in Chron. Alberti Argent. pag. III. Albertus Rex Romanorum Adelheidem hanc Rudolpho March. de Baden uxorem dedisse legitur, quum Alberti pater Rudolphus I. Imperator hoc jam matrimonium viderit. Autographum Bongarsianum istius Chronicæ, quod in Bibliotheca Bernensi servatur, errorem hunc egregie corrigit hoc modo: „ Relictam Comitis de Strasberg, fororem Ottonis de Ochsenstein, confobrinam Regis (Alberti), ipse Rex (Rudolphus) Marchioni de Baden - - - copulavit.

Notus hic usque nomine Alberti Argentinenis scriptor, emendatior & auctior sub veri auctoris *Matthiae Neoburgensis* nomine, inter Scriptores Rerum Alfaticarum, quos ad prelum paratos propediem editurus sum, comparebit.

(o) Verba Chartæ Monasterio Schwarzac. A. 1289. datæ, hæc sunt: „ Cum antecessores nostri felicis recordationis magna & speciali dilectione ecclesiam beati Petri in Schwarzach semper fuerint complexi nos ipsorum vestigia in hoc imitari volentes - - - ecclesiam beati Petri

Abbatiae Gottsavieni sex modios filiginis, ex decima villa *Burten* quotannis percipiendos, eodem anno legavit.

A. 1291. mens. Aug. Rudolphus *senior* & Fridericus, Marchiones Badenses, cum Abbatiae Monachorum in Alba Advocati fuissent electi, de pristinis ei caverunt juribus novaque privilegia addiderunt. (p) Advocatia haec eis propterea collata fuit, quoniam ex Ebersteinii Comitibus, monasterii fundatoribus, sanguinem per matrem aviamque Cunigundam ducebant. (q) Eidem Abbatiae de redditibus suis in *Malsche* XV. malteras filiginis anno sequenti Rudolphus donavit. (r) Qui cum patre sepultus est in Sacello Lucidae Vallis A. 1295. (s)

§. VI.

Uxor.

Adelheidem, absque sobole ex se suscepta, viduam reliquit, quae Lucidae Valli quoque XXX. malteras filiginis dedit in

„ in Schwarzach antedictam & nuntios ejusdem per totam terram nostram sub nostra recipimus protectione & conductu, volentes ipsos „ sub aliis nostræ protectionis & defensionis existere securos, ipsisque „ omnia jura sua capitalia, quæ vulgariter dicuntur *Felle*, & census „ fuos ab omnibus hominibus terræ nostræ incolis dari & persolvi „ præcipimus.

(p) Codex Diplomaticus Badensis.

(q) Vid. cap. I. §. 10. pag. 10.

(r) Cod. Dipl. Bad.

(s) Epitaphium in Parthenio Lucidae Vallis his legitur verbis: Anno Domini MCCXCV. obiit Marggrave Rudolph der alte an Sant Valentinstag.

Curia Willre (*t*). Hæc ex priore cum Comite Strasbergæ matrimonio duas filias habuit, quarum unam Rudolphus III. Marchio Badenfis, ut infra videbimus, alteram Waltherus de Horburg uxorem duxit.

Cognitionem Adelheidis cum Rudolpho I. & Alberto I. Imperatoribus schema sequens ostendit:

Albertus Sapiens, Comes Habsburg.

Rudolphus I. Imperator,	Cunigunda, uxor
† 1291.	Ottonis Domini in Ochsenstein.
Albertus I. Imperator,	Adelheidis, uxor
† 1308.	1) Comitis de Strasberg. 2) Rudolphi II. March. Bad.
	1287.

H E S S O.

§. VII.

Hesso, tertius Rudolphi I. Marchionis filius, cum Rudol- HESSO.
pho I. Romanorum Rege Germershemii, vivo patre, versatus,
privilegium civitatis Wormatiensis post ducem Austriæ, ante
Henricum Hachbergensem Marchionem & Conradum Ducem

Tom. II.

C 2

(*t*) GAMANSIUS.

HESSO.

Teccensem A. 1284. testis signavit, *Heffo Marchio de Baden.* (u)

Idem triennio post in ejusdem Cæfaris diplomate, Heilbronnæ scripto, reperimus, quo Hessonis frater, Rudolphus II. castrum Mülenberg uxori suæ in dotem adscribendi potestatem accepit, uti supra ostensum.

§. VIII.

Gesta
cum Co-
mite
Wirtenb.

Eberhardus Illustris, Wirtenbergæ Comes, qui sub quinque Imperatoribus saepe inquietus vixerat, Henricum VII. Imperatorem cum agnoscere recusasset, a Conrado Weinspergeni Comite, Cæfaris per Sueviam Vicario, ejectus est terris; & ab Hesone nostro receptus, Besighemii, ad mortem usque vixit Henrici; a successore ejus, Ludovico Bavarо, suis terris restitutus. (x)

Eberhardus, beneficii memor, Hessonis, dein mortui, debita solvenda suscepit, atque cum filio Hessonis Hermanno transigit, qui castrum Reichenberg cum bonis inde pendentibus, Eberhardo dedit in pignus; ita quidem ut intra decennium libera filii reluitio esset; sed pecunia propria, non accepta in mutuum.

(u) MORITZ vom Ursprung der Reichsflotte in Append. pag. 179. & LUDWIG Reliquiae MSS. Diplomat. Tom. II. p. 240.

(x) ALBERTUS Argent. Chron. pag. 115. Edit. Urstis.

Praeter Reichenbergam, Bachnanga quoque oppidum & Beilstein
tradita fuere Eberhardo. (y)

§. IX.

Annus mortis ejus certo non constat. **GAMANSIUS** Mors.
eum ad A. 1317. ponit, & quidem recte, ut videtur; cum post
hunc annum nulla ejus vivi mentio recurrat.

In Ludovici enim Imperatoris diplomate A. 1322. de quo
infra sub Friderico II. vitium sine dubio irrepit; cum Heffonem,
Friderici II. Marchionis patruum A. 1322. inter vivos referat,
Hesso in literis filii sui Rudolfi Heffonis, datis an *Sanct Thomas-*
tag 1319. & in aliis ejusdem Rudolfi Heffonis *an der*
Mittwochen vor Sante Walpurgetag 1321. jam resertur inter
beatos vel mortuos; his verbis: *Wir Marcgrave Rudolf, Marc-*
grave Hezzen seligen Son von Baden. Item: *Wir Rudolf von*
Gotz Gnaden ein Marcgrave von Baden, Marcgrave Heffen sel-
gen Son. (z)

Imo cum Fridericus II. Marchio A. 1318. villam Malsch
cum castro Waldensels Monachis Albensibus venderet, venditio-
nis literæ datae die Sabbati post festum Ascensionis Domini firma-

C 3

(y) *SATTLER* pag. 140. qui anno 1296. Heffonem ad plures jam abiisse scri-
bit pag. 135.

(z) Vide Codex Diplom. ad annum 1319. & 1321.

HESSO.

tæ fuerunt agnatorum tunc temporis superstitione figillis, Heinrici de Eberstein avunculi ejus, Rudolphi Marchionis senioris de Baden patrui ejus, Rudolphi Marchionis fratris ejus & Rudolphi Heslonis Marchionis de Baden. Nulla inter hos Heslonis mentione, cuius tamen consensus non fuisse neglectus, nisi eo jam tempore inter vivos esse desisset.

Quin & in ipso, quod citatum est, Ludovici Imperatoris diplomate, non Hesso noster, sed filius ejus Rudolphus Hesso intelligendus esse videtur. Postponitur enim Rudolpho III. non postponendus, si per Heslonem frater natu major Rudolphi III. indigitaretur. Erratum ergo à Secretario Imperatoris in vocibus *patruis suis*, cum alter tantum patruus, alter patruelis Friderici II. Marchionis fuerit.

§. X.

Uxor.

Irmengardim, Eberhardi, Comitis Wirtenbergensis sororem, Hesloni nostro conjugem juniores quidam tribuunt scriptores; A. 1317. defunctam esse statuentes. (a) At monumentum sepulcrale, quod in monasterio Basileæ minoris, *Klingen* dicitur, supereft, Claram custodit, quam ex Klingæ Dynastis prognatam ei tribuo uxorem. Annus mortis in lapide ejus sepulcrali deletus est. (b)

(a) RITTERSHUSIUS Genealog. Tab. 127. & reliqui.

(b) Legitur ibi: *Vrouua Clara Marggrævinne von Badin.* Waltheri Domini à

RUDOLPHUS II.

HESSONIS FILIUS.

AB A. 1317 --- 1335.

§. XL

Heffoni duo filii, Hermannus & Rudolphus Hesso, tri-
buuntur; quorum ille clericus, hic vixit secularis.

Rudolphi
Hessonis
gefta.

Henricus VII. Imperator oppidi Imperialis *Heydolfsheim* oppignerationem, Conrado Comiti de Vehingen pro octingentis libris & *Marchioni de Baden* clero pro mille libris Hallensibus ab Advocato provinciali, Cunrado de Winsperg, factam, A. 1311. ratam habuit.

Friderici Marchionis Badensis Chartæ venditionis vici Malsch & castrum Waldenfels A. 1318. sigillum appensum est *Rudolphi Heffonis Marchionis de Baden.* (c)

Iter sacrum ad sepulcrum Dominicum cum vovisset Rudolphus Hesso, Johannes XXII. Papa A. 1326. Episcopo Spi-

Klingen, qui A. 1295. decepsit filia fuit. *TONIO LA Basilea Sepulta* p. 325.

URSTIS. Chron. Basil. pag. 136. Filias Waltheri hujus referunt Tabulae venditionis apud *HERRG. Genealog. Habsburg.* Tom. III. pag. 421.

(c) *Codex Diplomaticus Badensis.*

RUDOL.
HESSO.

rensi potestatem concessit, ut Rudolphum ab hoc voto absolveret; si legitimam causam absolvendi repererit. (d)

Rudolpho Marchioni Badensi dicto Heffoni ter mille & centum libras Hallenses se debere professus est Ludovicus Imperator A. 1333. quæ ex redditibus Hagenoënsis foresti & civitatum Alsatiæ Imperialium tributis ei erant solvendæ. (e)

§. XII.

Lites
cum Fri-
burg.

Eodem anno inter Marchionem Rudolphum, qui dictus Heffo, Dominum de Baden, & uxorem ejus, Johannam, Reginaldi Comitis de Montebeliardo filiam, ex una, ac inter civitatem Friburgi ex altera parte, propter cives quosdam Friburgi bonis suis spoliatos, lis intercessit; decisa per arbitros; quos inter ex parte Badenium erant Johannes de Eptingen, dictus Spengelin, & Hartmannus de Masonis Monasterio, milites. Hujus rei superarbitrium penes tres civitatis Argentinensis Magistros, Swarberum, Twingerum & Judenbreterum erat. (f) Dominus *de Baden* in Chartis his dicitur Rudolphus Heffo; unde Badam, Marchionatus caput, eum tenuisse colligimus; id quod & alia monumenta nos docent.

A. 1305.

(d) Idem.

(e) Idem.

(f) Cod. Membr. Argent. de anno 1370.

A. 1335. Hannemannus de Heidweiler, Praefecturam Traubaci in Sundgovia ipsi & conjugi Johannæ Montisbeliardenfi resignavit. (h)

§. XIII.

Obiit illustris Rudolphus Hesso, Marchio de Baden, in Mors. octava b. Laurentii martyris A. 1335. ut lapis sepulcralis Lucidæ Vallis declarat. (i)

Johanna uxor primitus nupta fuerat Ulrico, Comitum Phirretensium postremo, qui A. 1324. vita excessit. (k) Uxor & liberi.

Ad filias, quas ex illo suscepserat, Johannam & Ursulam, Comitatus Phirretensis transiit, & per Johannam, natu majorem, ad Albertum Sapientem, maritum ejus, Austriae Ducem (l). Ex secundo cum Rudolfo Hessone Johannæ connubio, quod horum conjugum literæ A. 1333. probant, (m) duæ filiæ prodierunt, *Margaretha & Adelheidis*, Marchionibus Badenibus, agnatis suis, ut infra videbimus, matrimonio jungendæ, quas ex Ul-

Tom. II.

D

(h) Tabular. Oenipont.

(i) Apud SCHANNAT. *Vindem. Lit. Coll.* I. p. 165. mors hæc ad mensem Febr. anno 1333. vitiose ponitur.

(k) ALSAT. ILLUSTR. Tom. II. pag. 610.

(l) Ibidem pag. 503.

(m) STEYERER. *Hist. Alberti II. Aufr.* pag. 236.

RUD. III.

rico Phirretnensi natas **GUILLIMANNUS**, (*n*) atque **HERGOTTUS** (*o*) male existimarentur.

In hereditatis maternæ divisione, A. 1347. instituta Alt-kirchæ, viva matre Johanna, quæ tertias cum Cattimelibocensi Comite **GUILIELMO** iniverat nuptias, Margaretha Dynastiam Hericurtensem, Adelheidis Belfortensis partem forte obtinuit. (*p*)

RUDOLPHUS III.

§. XIV.

Rudol-
phus III.
dictus
Senior.

Rudolphi I. filiorum natu minimus fuit Rudolphus III. qui patre & fratre seniore Rudolpho II. mortuis, ut a juniore Rudolpho, fratris ejus Hermanni VII. filio, & Rudolpho Hessone distingueretur, *senior* quoque appellatus est. Venditionem hic vici *Langensteinbach*, a fratrele Friderico monachis de Alba factam A. 1296. roboravit. (*q*)

A. 1306. Rudolphus senior censum vici *Malsch* monasterio Albæ Dominorum conferens, patrem suum Rudolphum, fratrem Rudolphum, uxorem **Gutam**, fratriam Adelheidem de Ochsenstein, ut & Fridericum ac Rudolphum juniorem, Mar-

(*n*) STEYERER loc. cit. 202.

(*o*) Genealog. *Habfb.* Tom. I. pag. 60. & 219.

(*p*) Alsatia Illustr. Tom. II. pag. 610. not. (*q*).

(*q*) Chart. in Cod. Diplom.

chiones Badenses, fuos ex fratre Hermanno nepotes, commemorat. (r)

A. 1327. responsorias literas, Avenione datas, mittit Johannes XXII. Pontifex Maximus, *Rudolpho Marchioni de Baden seniori*, qui Papæ Fridericum de Zolre, ad Papæ & Ecclesiæ obsequia obtulerat. Vocatur hic Fridericus in iisdem litteris *nobilis vir nepos Marchionis.* (s)

§. XV.

Stollhovam oppidum cum vicis *Selingen & Hugelsheim* Res ge-
A. 1300. ab Eberlino de Windeck, mille trecentis & quinquaginta
ftæ.
marcis argenti valoris Argentinensis coëmit. (t) Prædes solutionis magno numero dati.

Partem vici Graben à Dieterico de Ubstatt libris Hallensium septingentis A. 1310. Rudolphus comparavit. Quadriennio ante, Dieterici frater, Suuikerus, Marchioni promiserat, se suam istius vici partem nec oppigneraturum nec venditurum, nisi prius illam Marchioni ejusve heredibus obtulerit.

Tom. II.

D 2

(r) Codex Diplomaticus Badensis.

(s) Idem Codex.

(t) Chartam emptionis memorabilem Codex Diplom. ad annum 1309. exhibet.

RUD. III.

A. 1327. donat Rudolphus Marchio de Baden partem vici Möglingen in Praefectura Groeningen Ulrico Comiti Württembergensi. (u)

§. XVI.

Bella
cum Ar-
gentin.

Cum Argentinensi civitate alternis vicibus per aliquot annos bellum pacemque inivit.

Libertas navigandi per Rhenum, immunitas a vectigalibus, per Marchiam omnem, frequens bellorum, deprædationum, querelarumque materia fuit.

PRIMUM.

Bello primo Johannes Argentinensium Episcopus, Ulricus Landgravius, Josridus Leiningæ Comes, Otto Dominus de Ochsenstein aliique Argentinensium secuti sunt partes.

Cum his omnibus in gratiam rediit Rudolphus senior (x) festo Sancti Jacobi A. 1313. Universis civibus ac subditis eorum plenam a vectigalibus suis & a naufragorum bonorum occupazione immunitatem, quamdiu ipse viveret, concessit, partesque Friderici Marchionis, ex fratre nepotis, bellum continuantis, deferuit. (y)

(u) SATTLER. I. c. P. I. p. 199.

(x) Marggrafe Rudolf der elter von Baden.

(y) Cod. Dipl. Argent. Membr. de anno 1370. p. 150.

§. XVII.

Sed pacem hanc, parum fidam, novæ mox inimicitiae sequæ fuit. Damna illata, mille marcis argenti æstimavit Rudolphus. Judicium rei delatum ad arbitros.

Secun-
dum.

Bruno de Windecke, & Heinricus de Selbach, milites, ex parte Marchionis, Nicolaus de Kageneck, & Reinboldus Hüffelius, milites, ex parte civitatis constituti sunt. Superarbiter additus est Praeful Argentinensis. Ita conventum Lichtenaviae die Lunæ ante Sancti Bonifacii A. 1315, Johanne, Dynasta Lichtenbergensi præfente. (z)

Germania tum omnis novi Cæsar's electione fuit scissa in partes. Marchiones Badenses Fridericum Austriacum secuti sunt; qui pacem inter partes reducere laboravit.

Hujus denique & Johannis Episcopi Argentinensis opera mense Martii A. 1317. pax coaluit inter Rudolphum & Fridericum Marchiones, mercatoresque & nautas Alsatiæ. Conventum Offenburgi, ut suspenſis Marchionum in terra Rhenoque vētigalibus, pro salvo conductu nonnihil æris penderent mercatores. (a)

D 3

(z) Ibid. pag. 152. ubi Rudolphus dicitur: *Rudolf von Gottes Gnaden der elter, Herre und Marggrafe zu Baden.*

(a) Instrum. in WENCKERTI Apparatu Archiv. p. 197.

§. XVIII.

Tertium.

Verum anno sequenti recruduit bellum. Civium Argentinenorum prædia in Willstetten & alibi vastavit Rudolphus. Argentines ex hostibus nonnullos Stauffenbergæ ceperunt. Damnis utrimque compensatis, salvisque singulorum juribus, perpetuae tandem pacis formula signata est, die Veneris ante Sancti Urbani A. 1318. (b)

Quadriennio post, mense Augusto, Rudolphus & Fridericus Marchiones (c) novam de ratione salvi conductus & vectigalium per terram suam & aquas præstandorum pactionem ad proximum usque festum Sancti Georgii valituram, cum Argentinibus inierunt. (d)

§. XIX.

Quartum.

Stauffenbergæ castrum, quod modo memoravimus, Ganerbiale fuit, pluribusque adeo militibus commune. Hos inter Reinboldus miles de Stauffenberg, Albertum de Owe, militem, Episcopi Argentinensis ministerialem, castro illo excludere voluerat.

(b) Cod. Diplom. Argent. Tabularii de anno 1370. p. 152.

(c) Marggrafe Rudolf der elter und Marggrave Fridrich, suis Bruder sun, Herren von Baden.

(d) Cod. Dipl. Argent. fol. 150.

Novum inde bellum A. 1329. surrexit, funestum Badensibus. Bertoldus Episcopus enim & civitas Argentinensis junctis viribus, castrum illud, obsidione captum, solo æquarunt. Vim Reinboldo illatam Rudolphus IV. Marchio, dictus Pforzheimensis, & Comes Wirtembergensis vindicaturi, ductis per Rudolphi nostri senioris terras militibus, ditiones invadunt Episcopi, eo magis commoti, quod Rudolphum seniorem, propter affinitatis vinculum, a libero transitu hostes suos prohibitum speraverat. Rudolphus Episcopo, id exprobranti, terrarum ejus se non esse custodem, respondit. Episcopus Marchionatum Badensem cum sociis suis ingressus, aperta ubivis loca misere fœdavit incendiis, a qua calamitate Stollhovium tantum & Badam oppida mœnibus cincta, perstiterunt immunia. Flammam hanc extinxit Otto, Dux Austriæ, qui Bischoffshemii ad Rhenum, data Reinboldo pecunia, ut Stauffenbergam reædificaret, omnia ad pacem reduxit. (e)

§. XX.

(37) Postquam Friderici Austriaci æmulus in Imperio prævaluisset, Ludovicus Bavariae Dux, ab hujus quoque partibus Ru-

Lud. Bav.
adhæret.

(e) Testis hujus belli est ALBERTUS ARGENT. in vita Bertoldi Episc. Argent. apud URSTIS. *Rer. Germ.* Part. II. pag. 170. Badam mœnibus cinctam esse A. 1330. refert KOENIGSHOVEN *Chron. Alsat.* pag. 387. ubi & belli hujus mentio fit.

RUD. III.

dolphus noster, viriliter stetit. Septingentas marcas argenti ei promisit Cæsar, Selsam (*f*) & Hagenbacum, civitates Imperii, literis A. 1330. Hanoviae datis, in pignus concedens.

§. XXI.

Uxor.

Rudolphi hujus senioris uxor fuit Gutta, sive Gertrudis; ex primo Adelheidis de Ochsenstein cum Strasbergio Comite matrimonio, ut supra (*g*) jam diximus, nata, adeoque Rudolphus noster Adelheidis & affinis fuit & gener.

Adelheidis pro se & marito suo posteriore, Rudolpho II. Marchione, pridem defuncto, anniversarium in claustro Lucidæ Vallis A. 1311. instituens, consensu Rudolphi Marchionis senioris de Baden, *filiastri* sui, id se fecisse, & Rudolphus ad petitionem Adelheidis, *socrus* suæ, fundationis hujus Chartæ sigillum suum appendisse, memorant.

Gertrudis frater erat Bertoldus Comes de Strasberg, qui cum A. 1316. deceperisset improles, (*h*) tertiam hereditatis ejus partem sibi vindicavit Gertrudis. Hereditatem hanc, in qua castrum Strasberg & oppidum Helvetiae Buren erant, Rudolphus & Ger-

(*f*) Hoc oppidum jam A. 1268. Rudolphus oppidum suum nominavit. Alf. III. Tom. II.

(*g*) Cap. II. pag. 19.

(*h*) Sepultus in Ecclesia Lucidæ Vallis cum inscriptione: *A. Com. MCCCXVI.*
in vigilia S. Ioh. Bapt. O. Bertholdus Comes de Strasberg. GAMANS. p. 270.

& Gertrudis conjuges A. 1319. Ecclesiæ Basiliensi & Ulrico, Phir-
reteni Comiti, pro ducentis marcis argenti vendiderunt. (i)

§. XXII.

Obii denique Rudolphus III. improlis IV. Non. Februa- Obitus.
rii A. 1332. postquam monasterio Lucidæ Vallis, in quo sepul-
tus est, (k) centum marcas legasset. (l) Præcesserat eum Ger-
trudis uxor VI. Kalendas Aprilis A. 1327. ut ex epitaphio ejus in
eodem monasterio constat. (m)

F R I D E R I C U S I I .

§. XXIII.

Mortuo patre Hermanno, cum patruo suo Rudolpho II. Frideri-
monasterii Dominorum in Alba advocatiam, ut supra (n) retuli-
mus, A. 1291. in se suscepit, eidemque villam *Langensteinbach*
pro DL. libris Hallensibus A. 1296. vendidit, Marchio de Ba-
den simpliciter dictus.

A. 1304. ipse cum fratre suo Rudolpho IV. ab Alberto de
Remichingen, quidquid ille juris in castro sui nominis habuerat,

Tom. II.

E

(i) *Charta venditionis ap. HERRGOTT. Geneal. Habsb. Cod. Dipl. num. 725.*(k) *SCHANNAT. Vindem. Lit. Collect. 1. p. 165. male habet A. 1331.*(l) *Ita Epitaphium ibi loquitur: Anno Dni MCCCXXII. O. Rudolph Se-
nior Marchio de Baden in die purificationis Btæ Vgis Mariæ.*(m) *Ao. Domini MCCCXXVII. ob. Gutha, Marchionissa VI. Cal. Aprilis.*

(n) §. 5.

FRID. II.

nonaginta libris Hallensibus emit. Alteram partem A. 1310.
a Dieterico & Ludovico fratribus de Remchingen eodem pretio
comparavit. Decimas in villa Remchingen, monasterio Maul-
brunnensi olim dono traditas, Fridericus injuste se usurpasse,
pœnitentia ductus, A. 1324 pridie festi Pasch. ipse confessus est. (o)

A. 1308. Fridericus & Rudolphus germani Marchiones
de Baden jus patronatus ecclesiae in Mensheim Mahtolfo militi de
Mensheim ejusque heredibus in feudum contulerunt.

§. XXIV.

Acta ab
A. 1312.

A. 1312. desiderio Engelhardi a Weinsburg satisfacturus
testis signat confirmationem privilegiorum monasterii Lichten-
stern ejusque donationis, fitque simul cum Engelhardo ejusdem
monasterii atque Abbatissæ illius advocatus & defensor. (p)

Partem castri Oberweingarten & bonorum ejus a Reinhardo
milite, dicto de Nuuenburg, A. 1314. acquisivit.

Sunshemium, Imperii oppidum, cum monasterio vicino,
mille marcis ab Imperatore deinceps redimendum, pro officiis
præfitis, Fridericus Austriaus Rex Romanorum Sellæ
A. 1315. Friderico Marchioni & Rudolfo oppigneravit.

(o) Charta ap. GAMANS. pag. 210. Authentica in Tabulari. B. Durlac.

(p) BEZOOLD. monast. viug. Tit. Lichtenstern n. VIII. p. 74. & PETRI Steu.
ecclesi. pag. 516. seq.

Bella inter Marchiones & civitatem Argentinensem de navigatione Rheni & commerciorum libertate exorta, in rebus Rudolfi III. patrui ejus exposui. (q)

§. XXV.

Fridericus noster præter vicum Langensteinbach, supra memoratum, totum quoque vicum *Malsch* & castrum *Waldenfels*, iisdem Monachis pro trecentis & mille libris Hallensibus A. 1318. sub pacto de retrovendendo (r) vendidit; accedente Heinrici de Eberstein, Rudolfi senioris patrui, Rudolfi fratri & Rudolfi Heßonis, Marchionum Badenfium, consensu. (s)

Priusquam hoc fieret, Abbatiae Weisenburgensi, cuius Dominio directo vicus Malsch obnoxius erat, oblato ei vicissim in feudum oppido Cupenheim, Fridericus satisfecit. (t)

Tom. II.

E 2

(q) Vide supra §. 16. sqq.

(r) Literas reversales Abbatis & Conventus Albenfis de retrovendendi jure in villam Malsch Marchioni servato A. 1318. vid. in Deductione Badenf. contra Würtemberg sub rubro: *In der Wahrheit gegründete Vorstellung.* num. I. pag. 52.(s) Vide MEICHESNER. *Decif. Cameral.* Tom. IV. Decif. 35. ubi Charta haec nonnihil mutila extat. Authentica Charta servatur in Tabulario Bada-Durlacensi.

(t) Charta apud MEICHESNER. l.c.

A. 1321. Fridericus & Rudolphus fratres Marchiones de Baden partem castri & oppidi Enzeberg, (u) quæ jam decennio ante oppignerata ipsis fuerat, a Gerhardo milite de Enzeberg ejusque filiis Gerhardo, Alberto, Conrado & Geroldo, pro 460. libris Hallensibus coëmerunt.

§. XXVI.

Castrum
Ochsen-
berg.

Eodem anno Castrum Ohzsenberg cum villis *Lenbrunne*, *Michelbach*, *Zabernwelt*, *Ober-Ramspach* & *Damp*, ut & curiam in *Flehingen*, pro bis mille & ducentis libris Hallensibus à Zeisolfō de Magenheim emit. Rudolphus frater & Conradus, Urselingæ Dux, emtionis literas suis sigillis firmarunt. (x)

Quinquennio post idem Marchio cum filio Hermanno perpetuum jus aperturæ in castro hoc *Ochsenberg* contra quemvis, præter Marchiones Badenses reliquos, Rudolphum nempe patruum, Rudolphum fratrem & Rudolphum Heßonem patrualem, civitati Spirensi concessit. (y) Memorati Marchiones biennio post idem castrum Alberto de Gemmingen, Armigero, dicto de Enzeberg, oppignerantes, idem quoque jus feryarunt Spirensibus, (z) solenni juramento præstito, absque Spirensium con-

(u) Ad Enzam amnem, inter Pforzhemium & Vaihingen.

(x) Dat. die Lunæ post S. Galli A. 1321. Tabular. Bada-Durlac.

(y) LEHMANN. *Chron. Spir.* pag. 676.

(z) LÜNING *Archiv. Imp. Part. Spec. Contin.* IV. Tom. II. pag. 483.

iensu arcem nulli se deinceps esse vendituros vel oppigneraturos. (a)

§. XXVII.

Vix victus fuerat & captus Fridericus Austriacus Anticæsar, quum Ludovicus Bavarus Marchionem Fridericum, Austriae deditum, ad suas partes pertraxit, largiens ei jure feudali, ut „ tredecim denarios Argentinensis monete de quolibet plaustro vini, cum quatuor denariis de navi, in qua plaustra humani modi in Reni alveo veherentur per loca districtus terre sue, acciperet; ea lege, ut *juxta nobilitatem & magnitudinem* suam ad singulas partes Rheni, Sueviæ, Franconiae & Bavariae, contra quemvis, Rudolpho fratre & Rudolpho ac Hesione patruis tantum exceptis, pugnaret pro Cæsare; qui feudi hujus confirmationem a Principibus Imperii se impetraturum recepit. Acta sunt haec Monaci XI V. Kal. Jan. A. 1322.

Ad
Lud. Bay.
transfii.

E 3

(a) Castrum hoc Ochsenberg cum adjacentibus locis paulo post in Wirtembergium Comitum manus pervenit. A. 1391. Albertus de Enzberg Senior dimidiam Ochsenbergæ, quam possederat, partem Wirtenbergico Comiti tradidit, qui eam Wolfio de Urbach dedit in feudum. A. Wolfio Ochsenberga ad Sternfelsiorum familiam transivit. Eberhardas Comes Wirtemb. A. 1392. Henelio de Sternfels oppidum & Castrum Ochsenberg villasque Zabernfeld, Michelbach, Ramsbach & Lehenbrunn in feudum dedit Gœppingæ. Sternfelsii denique anno feculi hujus XLIX Wirtembergia haec feuda domino directo refutarunt. Conf. *Reichsflandische Archival-Urkunden in causa Equestri Seft. I. Cap. I. n. 12. p. 12. sqq.*

§. XXVIII

Fœdus
cum civi-
tatis.

Moguntia, Argentina, Wormatia, Spira & Oppenhe-
mum civitates, pacis publicæ ad Rhenum tuendæ causa, fœdus
ad aliquod tempus cum inivissent, Fridericus Marchio eidem fo-
deri contra quemvis seditiosum, agnatis iterum exceptis, A. 1325.
accessit. (b)

A. 1326. idem Marchio vicum Münzesheim, Eberstei-
nensis Comitatus feudum hoc anno sibi apertum, (c) Alberto
Hoffwart, militi, contulit. (d) Hujus posteri Münzeshemium te-
nuerunt usque ad A. 1675. quo ad Fridericum VI. rediit Marchionem.

A. 1330. Fridericus & Hermannus Marchiones Chartam
venditionis castris Beringersweiler testes signarunt. (e)

Obitus
ejus &
Uxor

Obiit Fridericus X. Kal. Jul. 1333. ut sepulcralis indicat
lapis. (f) Uxorem ejus Adelheidem Comitem de Beuchlingen,

(b) Cod. Diplom. Argent. de A. 1370. pag. 152. ubi Charta incipit: *Wir Marg-
grave Friderich, Herre von Baden.*

(c) De eo Illuſtr. PREUSCHENIUS in *Carlsruher nützlichen Sammlungen* P. I.
pag. 348.

(d) Charta extat in Archivo Bada-Durlae.

(e) HANSELMANN. *Landeshoheit des Hauses Hohenlohe vor dem Interregno.*
Fol. inter Diplom. pag. 440.

(f) Apud SCHANNAT. loc. cit. male XI. Kal. Jul. 1332.

appellant; quæ vidua cum tribus filiabus, Agneta, Irmengarde & Maria, in Lucidæ Vallis claustrum secesserit, eique per XII. annos Abbatissa præfuerit. Defunctæ XV. Kal. Sept. 1348. succedit Agnes filia, ad A. 1361. usque superstes. (g) Friderico filium successisse Hermannum, omni dubio caret.

HERMANNUSS IX.

DOMINUS DE EBERSTEIN.

§. XXX.

Venditio vici Malsch & castri Waldenfels, per patrem Herman-

A. 1318. facta, firmior ut esset, Hermannus quadriennio post,
major annis factus, eandem literis suis firmavit.

nus IX.

A. 1329. Engelhardi de Winsperg senioris, sine prole legitima utriusque sexus demortui, institutus est heres (h) Fridericus pater & Rudolphus patruus testes suis hoc corroborarunt sigillis. Ab hereditate autem hac dimidiā partem bonorum ac hominum in *Eberflat, Gelmerspach & Stein*, vici at-

Acta
Weins-
pergen-
fia.

(g) Jo. GAMANS. pag. 211. sq.

Hinc Adelheidis adit decimum prælustris honorem
E Beuchling Comitum foemina stirpe sata.
Ante Badensis erat Friderici Principis uxor,
Annos bis senos rexit, & astra subit.
Agnes officium viduæ post funera matris
Suscepit haud tali filia matre minor.
Provida, larga fuit, mitis, placida atque benigna,
Post annos tredecim scandit ad astra Poli.

(h) Codex Diplomat. Badensis.

HERM.
IX.

que castri, secernendam, eamque relinquendam esse Engelhardo & Cunrado de Winsperg fratribus, contra Hermannum Marchionem & Engelhardum seniorem de Winsperg ipse Hermanni pater Fridericus & Engelhardus de Ebertsperg A. 1331. suis literis declararunt.

A. 1333. Hermannus oppidulum Klein-Gartach cum vicino castro Lünenberg seu Leimberg Alberto Bruzzen vendidit. (i)

§. XXXI.

Acta cum
Lud. Bav.
Imp.

Eundem Hermannum, parentis extincti loco, Ludovicus Imperator sibi obstricturus, mense Octobri A. 1333. illi Stutgardiae concessit, ut de omni plaustro vini transvecto per Rhenum ad Mersfeldam, ultra solitum vectigal, posceret Schillingum Hallensem; donec bis mille & centum librarum Hallensium perceperit sumam. Privilegium hoc Carolus IV. Imperator A. 1350. renovavit.

Proscri-
ptio Cæ-
faris.

Abbatiae Monachorum ad Albam querelae de Hermanno frequentes Cæfarem moverunt, ut, quem amicum paulo ante haberat, Imperii hostem pronuntiaret; eique compescendo Ulricum Wirtenbergiæ Comitem A. 1338. & sequenti liberas quasdam Sueviae civitates ad bellum proficisci juberet. (k)

In angustiis his Hermannus æs alienum contraxit. (l)

Octo

(i) SATTLER. loc. cit. P. I. pag. 181.

(k) Mandata Cæarea edidit BESSOLDUS in *Documentis redivivis Monast. Wirtenberg.* p. 153. & 157.

(l) Extant literæ ejus ad Elisabetham de Rotenstein scriptæ A. 1340. ut Chartas quasdam Rudolpho March. redimendas traderet, in *GUDENI Cod. Diplomat. Mogunt.* Tom. III. p. 312.

Octo per annos protractum est bellum, firmissimæ mentis in hoc Principe documentum haud leve. A. 1346. denique, mense Febr. Hermannus armis & judicio publico Heidelbergæ coactus, advocatiam Albensem dimisit e manibus.

Judicio & actui huic solenni Ruperti duo, senior & junior, Comites Palatini, Gerlacus Nassoviæ, Eberhardus Werdenbergæ Comites interfuerunt. (m)

Paucis post diebus Ludovicus Imperator Hermannum plenariam in gratiam se recepisse, alio diplomate Francofurti testatus est. (n)

A. 1339. Nicolaus & Wolfgangus Rœderi fratres, Elisabetha & Wilburgis, eorum sorores, partem suam castri Hohenrod Hermanno Marchioni Badensi, Domino in Eberstein, pro 25. libris denariorum Argentin. vendiderunt. Bis mille & viginti quinque libras Hallens ab Engelhardo de Winsperg, oppignerata ei sua Domini Winspergensis portione, A. 1341. accepit.

A. 1346. consentientibus agnatis oppidum & castrum Laufen Alberto Hoffwart juniori, qui in dicto oppido sedidit, pro 3000. libris Hallens. (o) & Maulbronnensi monasterio dimidiā partem vici Unterœwisheim cum jure patronatus vendidit. (p)

Tom. II.

F

(m) Ludovici Cæsaris & Hermanni Marchionis hac de re literæ extant apud BESOLD. loc. cit. pag. 160. & 162. & in PETRI Suev. Eccl. pag. 25. sq.

(n) GAMANS. Annal. Badenf. p. 238.

(o) SATTLER. loc. cit. P. II. p. 67.

(p) SATTLER. l. c. p. 189. Vicus Niederœwisheim Episcopatus Basiliensis

HERM.
IX.

Acta sub
Carolo
Imp.

Mors.

Uxor &
fili.

§. XXXII.

Carolus IV. dein rerum summa potitus, in Hermannum nostrum non tantum eandem, de qua disceptatum fuerat, Advo- catiam, sed & castrum atque oppidum *Weinsberg* A. 1350. ex nova gratia Norimbergæ contulit, simulque pācta successoria, cum agnatis inita, æque ac privilegia domus Badensis confirma- vit. (q) Friderici III. patruelis sui, literas A. 1349. hac formula: *Marchio Hermannus, Dominus de Eberstein*, signavit.

A. 1351. Hermanno Marchioni, pacem publicam violanti, bellum a fœderatis illatum, quo vietus pacem petens, Spirenfi- bus damna refarcire coactus est A. 1353. (r)

§. XXXIII.

Parthenio Lucide Vallis, ubi jacet sepultus, septingentas libras Hallenses Hermannus IX. destinavit. Idibus Aprilis A. 1353. defunctus est vita. (s)

Filiū ejus, Fridericus & Rudolphus, ex Mechtilde Comitissa Vayhingae suscepiti, præmaturo ante patrem extinti sunt fato. (t)

Redeundum jam ad Hermanni IX. patruum, Rudolphum IV, a quo reliqua Marchionum Badenfium series descendit.

fuerat feudalis. In ejus locum vicum *Ofe* Hermannus substituit, & a Jo- hanne Episcopo Basiliensi primus in feudum recepit.

(q) GAMANSIUS.

(r) LEHMANN. L. VII. c. 47. p. 710.

(s) Necrolog. Lucide Vall. ap. SCHANNAT. *Vindsem. Lit. Collect.* I. p. 166.

(t) GAMANS. loc. cit. pag. 239.

CAPUT III.

R U D O L P H U S I V.

DOMINUS DE PFORZHEIM.

A. 1300 — 1348.



§. I.

n divisione terrarum, cum Friderico II. RUD. IV.
fratre suscepit, Principatus sui sedem
Rudolphus IV. accepit Pforzhemium;

Pforzheimensis hinc dictus.

A. 1300. quo sui juris est factus, venditionem vici Langensteinbach, de qua superius actum, suis literis probavit, in quibus Rudolphus Dei gratia junior Marchio de Baden nuncupatur.

Ecclesiasticae vitae eum ab initio destinatum & Canonicum Spirensem factum fuisse, ex sigillo cognoscimus, quod adjectum est literis, quibus cum fratre suo lites inter Abbatiam monachorum in Alba & rusticos suos in Malsche compositas refert A. 1307.

Tom. II.

F 2

RUD. IV.

ubi legitur: *Rudolphus Marchio de Baden, Canonicus Ecclesiæ Spirensis.*

§. II.

Res ge-
ftæ ab
A. 1322.

Praeter ea, quæ superius in Friderici II. fratris ejus vita memoravimus, observamus porro, quod Rudolphus A. 1322. dimidiam partem loci Bürkenfeld, ad præfecturam Neuenbürgensem pertinentis, pro centum libris Hallerorum oppigneraverit Würtenbergico Comiti, intra biennium redimendam, ita tamen, ut, si non fiat reluitio intra hoc tempus, jus redimendi amissum sit. Arbitri de pretio, quod hoc casu addendum, statuant. (a)

A. 1323. Leopoldo Austriæ Duci, Spirensem civitatem obscienti, auxilium tulit Rudolphus. At eodem anno pax inita & de damno, Spirenibus dato, electis ab utraque parte arbitris, transactum. (b). Idem Marchio cum uxore sua Lutgarda suburbii Pforzheimensis Hospitale Sancti Spiritus, nuper ab eo restitutum, A. 1323. donis ornavit. (c)

Eodem anno Conradus Abbas & Conventus Monasterii in Sunnensheim Ordinis Sancti Benedicti Rudolphi nostro jus patronatus parochialis Ecclesiæ in Nyffern, ob præstitam defensionem, consensu Episcopi Basiliensis, pleno jure tradiderunt.

(a) SATTLER. *Beschreibung des Herzogth. Würtemb.* P. I. cap. 17. §. 2.

(b) LEHMANN. *Chron. Spir.* Lib. VII. cap. 23. & 26.

(c) GAMANS. *Hist. Bad.* pag. 213.

A. 1329. Nicolaus Comes de Lewenstein venditionem oppidi Bünnenkain & castri Obern Magenhain, durante minore ipsius aetate, Rudolphi Marchioni & Marchionissae Lutgardæ factam, confirmavit, eorumque dominum directum, Archiepiscopum Moguntinum, facta refutatione, de investiendo Marchione rogavit.

A. 1330. Stempferi nobiles pacem cum civitate Spirensi inierunt, cuius servandæ sponzionem in se suscepit Rudolphus. (d)

Idem cum Rudolphi Hessone Spirensibus damna intulit, quæ septem arbitrorum judicio resarcire coactus est, Bertoldo Ebersteinensi & aliis obstatum in se recipientibus. (e).

§. III.

De Ludovico IV. Imperatore optime meritus, Imperialem Ortenaviæ Praefecturam omnem, ejusque castra, civitates, vicos, villas & bona reliqua, pro nongentis marcis argenti & quater mille libris Hallensium, quas Cæsar ei se debere professus est, A. 1334. pignoris loco obtinuit. Præterea Mülbergam aliaque feuda Imperii, morte Rudolfi Hessonis, Marchionis nostri patruelis vacantia, eidem contulit Cæsar.

F 3

(d) LEHMANN. *Chron. Spir.* Lib. VII. cap. 28. & LÜNING. *Archiv. Imp. Part.*

Spec. Continuat. IV. Tom. II. p. 485.

(e) FUCHS in *Annotationibus ad Lehmann.* Lib. VII. cap. 30.

Privil-
gia Lu-
dovic. IV.
Imp.

RUD. IV.

Noribergæ Imp. A. 1335. brevique post universis Germaniæ civitatibus, ne homines Marchionis proprios in collegia sua reciperent, solenni diplomate ibidem interdixit. In literis his omnibus Rudolphus noster, Marchio *Pforzheimensis* appellatur, vel *Badensis*, *dicitus de Pforzheim*.

§. IV.

Wirtembergica.

A. 1339. Rudolphus dimidiā partem vici Mensheim, quæ ad ipsum pertinuerat, in Ulricum, Wirtembergiæ Comitem, transtulit. (f)

Palatina.

Eodem anno Brettam oppidum ab Ebersteiniis Comitibus titulo revocabili acquisivit. Acquisitum ipse Comitibus Palatinis, Ebersteinensium consensu, oppigneravit. (g) Palatini denique oppidum hoc emtione penitus sui juris fecerunt. (h) Iisdem Comitibus Palatinis oppidum Heidolsheim, quod pignus Imperii tenebat Marchio, intra sexennium (i) bis oppigneravit, (k) bis quoque redemptum. A. 1347. portorium in Murgo fluvio acquisivit.

(f) Conf. SATTLER. loc. cit. P. I. p. 101.

(g) Acta Compromissi Aurelian. p. 157. & TOLNER. in Additionibus ad Histor. Palat. p. 78.

(h) Acta cit. pag. 64. 148. 159. & CHYTRÆUS de Greciagæa in Ill. JOH. JAC. REINHARDI Script. rer. Palat. Vol. I. p. 497.

(i) A. 1340. & 1346.

(k) Acta Compr. Aurel. pag. 157. & TOLNER. pag. 48. & 97.

§. IV.

Post Lutgardam, Alberti Comitis de Löwenstein vi-^{Uxores.}
duam, quam Rudolphus noster A. 1323. thori sui sociam junxit,
secundis nuptiis duxit Mariam, Ludovici & Friderici Comitum
ab Oetingen, Alsfatiæ infer. Landgraviorum, sororem; cum
qua Pforzheimensi Hospitali Sancti Spiritus annuos viginti quin-
que librarum Hallensium redditus A. 1336. donavit.

Denique septimo Kal. Jul. A. 1348. (*I*) in Lucidæ Val-^{Mors &}
lis monasterio decepsit. Sepulcrum ejus Marchica inter monumen-^{sepult.}
ta comparebit.

Maria die 10. Jun. 1369. extincta, in Godesaugiensi Ab-
batia, cui annuos redditus XV. librarum Hallensium & VI. quar-
talium avenæ adscripserat, (*m*) sepulta.

Par filiorum Rudolphus noster reliquit, Fridericum III. Filii.
& Rudolphum V. dictum *Wecker*, ut ex sequentibus patebit. De
natu juniore improle primum, dein de majore, qui genus propa-
gavit, agemus.

(*I*) SCHANNAT. loc. cit. p. 168.

(*m*) GAMANS. *Hist. Bad.* p. 216.

R U D O L P H U S V.

COGNOMINE WECKER

DOMINUS DE PFORZHEIM.

A. 1348 — 1361.

§. V.

RUD. V. Filius, ut distingueretur à patre, nomini paterno Rudolphi Marchionis Badensis, dicti de Pforzheim, adjectum est Weckeri cognomen. (n)

§. VI.

Aetate sub
Carol. IV.
Imp. Carolus IV. Imperator Spiræ commoratus A. 1349. die Martis ante Palmarum non modo de Imperialibus feudis eum investivit, sed & confirmavit ei Ortenaviae pignus; quod quinque millibus aureorum minorum adauxit. Præterea Rudolphum & subditos ejus ab omni omnium Judæorum, Argentinensium præfertim, actione mutui liberos pronuntiavit.

Per

(n) In literis investituræ Caroli IV. Imperatoris vocatur: *Rudolph Marggraf zu Baden, Herr zu Pforzheim, der genannt ist der Weckher.* Idem nomen ipsi in aliis ejusdem Imperatoris litteris A. 1362. datis, adscribitur apud SCHILTER. *de simultanea investitura princip. imperii cap. II. §. 4. in Comment. ad Jus feudale Alem.* p. 338.

Per investituram Cæfari, extra Marchionatum Badensem bellum gesturo, quinquaginta milites galeatos se debere Rudolphus professus est. (o)

Biennio post tamen ejusdem Cæfaris auctoritate, non refragantibus Friderico & Rudolpho Marchionibus, Ortenaviae Advocatia in Bertoldi II. Episcopi Argentinensis manus legitima reluitione transivit.

Carolus IV. de pace publica Rhenensi sollicitus, A. 1353 triennale foedus Procerum ac Civitatum stabilivit Hagenoæ.
 „ Recessit autem Weckerus Marchio de Baden, nolens esse in
 „ Liga, cuius frater Fridericus & Hermannus patruus
 „ (patruelis) in brevi sunt ante defuncti, ut scribit ALBERTUS,
 „ TUS, (p)

§. VII.

Hagenbacum (q) & Selsa, Alsatiæ oppida, oppignerata Badensibus, tumultui bellico A. 1357. occasionem dederunt. Bellum Alsatiæ cum,

Tom. II.

G

(o) Literæ Rudolphi March. Domini Pforzh. dicti Wecker, in SOMMERBERGII *Script. Rer. Silef.* Tom. III. p. 70.

(p) Chron. p. 160.

(q) ALSATIA ILLUSTR. Tom. II. p. 179. sq.

Frequentes enim ex illis in mercatores præfertim, qui præteribant, direptiones cum fierent, Cæsar Civitates Imperiales, ad Rhenum & in Suevia sitas, induxit, ut Advocatum suum provincialem Alsatiæ sequerentur. (r)

Civitates imperata fecerunt, at immutata mox sententia Cæsar utriusque parti per Rupertum seniorem, Comitem Palatinum, & Johannem Episcopum Argentinensem pacis inspiravit consilia atque Marchionem porro debellari prohibuit. (s) Dirutum oppidum Selsam hoc bello, & mox a Carolo IV. restauratum esse, docet KOENIGSHOVIVS. (t)

Triennio post protectionis peculiaris diploma (u) Rudolpho seniori ac juniori, Marchionibus Badensibus (x) concessit; & mille marcas ex vectigali Selsenfi, (y) totidemque seniori soli,

(r) WENCKER. in *Colleff. Archivi & Cancellar. Jur.* pag. 378. Plura de Selsa vid. in ALSAT. ILLUSTR. Tom. II. p. 181. sqq.

(s) Ibid. pag. 379.

(t) Chron. Alsat. pag. 314.

(u) GLAFEX *Anecdot.* num. 156.

(x) *Rudolphen den eltern, den man den Wecker nennet, und Rudolphen den jungen, Herrn zu Pforzheim, Marggrafen zu Baden.*

(y) GLAFEX loc. cit. num. 155.

pro damnis Selsæ & Hagenbaci acceptis, Noribergæ cum versaretur, adscripsit.

Eodem anno cum utrisque Marchionibus mutui auxilii fodus Elector Palatinus Rupertus inivit.

§. VIII.

Rudolphi Weckeri, Advocati & instauratoris sui, memoriam, Abbatia Gottsaugiensis Annalibus suis grata manda-
vit. (z)

§. IX.

Obiit quinto Kal. Sept. A. 1361. sepultus ante altare San- Obitus.
ctæ Catharinæ Lucidæ Vallis. (a)

Viduam reliquit Adelheidem, Marchionis Rudolphi Hessoni filiam, (b) quæ per matrem Johannam Montisbeliardi Co-

Tom. II.

G 2

(z) Ibidem num. 158.

(a) GAMANS. Hist. Bad. p. 240.

(b) In Charta A. 1347. HERRGOTT. num. 792. pag. 674. legitur: *Adelheit Margræfin zu Baden und Rudolph genant Weckher ihr ehlicher Mann.* Ade-
de STEYERER in Addit. ad Hist. Alberti Sap. p. 244.

RUD. A.

mitissam, heres fuit Dynastiæ Belfortensis ex parte, (c) marito
superstes.

(c) Unde in literis A. 1362, quibus undecim Dynastiæ Belfort vicos à tributo
manus mortuæ liberat, *Noble & puissantè Dame Alix, Marquise de Bade*
& Dame de Belfort, appellatur. Literas has Judex Curiæ Archiepisc.
Vefont, exaravit. Cod. Diplom.



CAPUT IV.

F R I D E R I C U S I I L

D O M I N U S D E B A D E N .

A. 1348 — 1353.



§. I.

adæ Fridericus, Pforzhemii frater Rudol-
phus VI, Ebersteinii patruelis Herman-
nus IX. suas sedes habuerunt.

Frideri-
cus III.

A. 1348. Friderico huic ejusque fratri Rudolpho Weckerio (a) homagium & fidelitatis jusjurandum præstiterunt cives Pforzheimenses.

G 3

(a) Verba literarum sunt: „Den Hochgeadelten Marggrave Friderichen und
„Marggrave Rudolphen genant dem Wecker, Gebrüdern von Baden und
„Herrn zu Pforzheim.“

Res ge-
ftæ.

Literis A. 1349. quibus coronam, a Ruperto Palatino
Iudaëis Argentinensibus pro Rudolpho patre olim oppigneratam,
fibi in manus traditam Fridericus testatur, Hermannus Marchio,
Dominus de Eberstein, & Marchio Rudolphus, dictus Wecker,
Friderici frater, sua quoque appenderunt sigilla. (b)

Rupertus ille Fridericum nostrum sacerorum suum vocat in
Charta, qua super corona ista Argentinenses absolvit. (c)

Fridericum & Rudolphum *fratres*, Marchiones de Baden,
Carolus IV. Imperator in diplomate A. 1351. commemorat,
quo Bertoldo Episcopo Argentinensi Advocatiæ Ortenaviæ reli-
tionem permisit.

Mors.

Obiit *Illustris Fridericus Marchio de Baden IV.* Non.

(b) Codex Diplomat. Argent. Membr. de A. 1370. pag. 150. ubi: *Wir Marggra-
ve Friederich Herre zu Baden. In fine: Wir och Marggrave Herman von
Baden, Herre zu Eberstein, und Marggrave Rudolf genant Wecker, des
vorgenannten Marggrafe Friderichs Bruder.*

(c) Ibidem: *Unserm lieben Sieher, Marggrafe Frideriche von Baden.*

Sept. A. 1353. teste Necrologio Lucidæ Vallis, (d) cui monasterio jus patronatus in Hauen Eberstein A. 1348. una cum fratre Rudolpho dederat dono. (e)

Fridericus noster duxit uxorem Margaretham, Rudolphi Uxor. Heffonis, patrui sui, & Johannæ Montisbeliardenis filiam natu majorem, (f) quæ per matrem Dynastiæ Hericurtenis fuerat heres, quam Dynastiam A. 1366. condito testamento, filiae suæ Margarethæ, primum Godofredo Comiti Leininga - Rixingensi, dein Henrico Comiti Lucelsteinensi (g) nuptæ, & hac fine legitima prole moritura, filio suo Rudolpho Marchioni Badensi, adscripsit. (h)

Præterea Margarethæ mille & quingenti floreni ex Dynastia Florimontana ab Austria debebantur Ducibus, unde & Florimontii nomen suis titulis adjecit.

(d) SCHANNAT. *Vind. Lit. Collect.* I. p. 169.

(e) GAMANSIUS p. 239.

(f) In charta divisionis hereditatis maternæ inter quatuor filias A. 1347. institutæ, *Grede Margrafin ze Baden, Margrafen Friderich ihr ehlicher Mann,* leguntur apud HERRGOTT. *Cod. Dipl.* num. 792. p. 674.

(g) ALSAT. ILLUSTR. Tom. II. pag. 619. ubi corrigendus est error in nomine Patris; pro Rudolpho enim Fridericus ponendus.

(h) Testamentum idiomate Gall. scriptum. Margaretha hoc utitur titulo: *Je Marguerite Marquise de Baade, Dame d'Ericourt & de Florimont.*

FRID. III.

Fridericus III. ergo par liberorum reliquit, Margaretham Godefridi, vulgo Schaffridi, Comitis Leiningensis & postea Henrici Comitis Lüzelsteinensis uxorem, & Rudolphum familiae Badensis statorem, de quo jam instituendus est fermo.

**C A P U T**

CAPUT V.

RUDOLPHUS VI.

COGNOMINE LONGUS.

A. 1353 — 1372.



§. I.

corporis proceritate *Longum*, non RUD. VI.

Magnum appello; quamvis elogio
hoc eum censem dignum; fuerat
enim animo non minus, quam cor-
pore valens. (a)

§. II.

Marchiae Badensis partes, tam diu divise, in unum de-
nique corpus sub hoc Rudolpho redierunt. Quamdiu cognominis
patruus vixit Weckerus, Rudolphus noster dictus est *junior*.

Mar-
chiam
conjun-
git.

Tom. II.

H

(a) Staturam ejus ad XII. pedes scriptores juniores fabulose extendunt.

Hic cum patruo A. 1356. pāctum familiae condidit; omnium Domus Badensis pāctorum basis & fundamentum. (b)

Placuit, ut alteri, sine mascula sobole morituro, alter in universis succederet terris & bonis. Placuit, ut filiabus pro omni suo jure mille marcæ argenti, cum nuberent, solverentur. Terras & subditos alienare ne liceat. Oppignerare liceat, sed caute. In difficilioribus rebus, in tuendo potissimum jure salvi conductus, mutua prætentur auxilia. Domesticæ lites, si quæ oriantur, per arbitros, quos dicunt Austrægas, componantur amice. Pācti hujus virtute patruo suo, A. 1361. ut vidimus, extinto, heres successit noster Rudolphus.

§. III.

Investi-
tur a Cæ-
re.

Idem a Carolo IV. Imperatore, in cuius aula fuerat educatus, veniam eodem anno obtinuit gabellam seu vectigal (*Umgeld*) imponendi vino omniq[ue] frumentorum generi, in civitate Pforzheim, secundum jus & consuetudinem terræ.

A. 1362. ab eodem Imperatore totius Principatus seu Marchiæ Badensis investituram Noribergæ accepit.

Cæsar limites ejus ita definit: „A Graba usque ad Mülenberg ad Albam, ab Alba usque ad Schwarzacum & Hardtam interacentem, cum Ettelinga oppido, cum jure forestali, condu-

(b) Conditum est Ettlingæ die Lunæ post S. Michaelis A. 1356.

ctus per terram & flumina, cum moneta, judiciis & aliis juribus,
quibus majores ejus sunt usi. (c)

Primæ hæc sunt literæ feudales, quas novimus, Marchionibus Badensibus super Marchiam a Cæsare datæ; in quibus hoc singulare, quod ad simultaneam Marchiæ investituram admissus est Rupertus I. Palatinus Elector. Occasionem rei dedit liberalitas Rudolphi, qui Ludovicum, Comitem Oettingensem, quem impense amaverat, Marchiæ suæ instituerat heredem. Factum hoc damnavit Cæsar, non quod res acta sine Cæsar, ut domini directi consensu, sed quod peracta sine patrui consensu, quodque minor fuerit ætate Marchio; quasi de allodio, non de feudo Imperii ageretur.

Crederes Marchiam Badensem antea fuisse allodialem, quoad fundum, & Marchiones nonnisi de regalibus investitos a Cæsare; cuius generis feudorum & alia hodie prostant exempla. Marchiones profecto paßim in Chartis *Domini in Bada* vocantur, quæ nunquam vera Marchia fuit, sed Dynastia a Principibus, qui Marchiones vocabantur, possessa.

Quicquid hujus rei sit, prima hæc si non fuit Marchiæ investitura Cæsarea, aliam antiquiore indicaverit nemo. De

Tom. II.

H 2

(c) Extant in *TOLNERI Hist. Palat.* Cod. Dipl. n. 158. *SCHILTERI Cod.*

Feud. Alem. pag. 338. & LÜNTIG Reichs-Archiv Part. spec. Contin. 2.

Fortsetz. 1. pag. 939.

RUD. VI.

De tota scilicet Marchia Badensi, non de partibus quibusdam, ut Mühlenbergæ Castro &c. quæstio est. Marchionatus Hachbergæ naturam allodii tum adhuc retinuit.

§. IV.

Pactum
success.
cum Pa-
lat.

A. 1363. Rudolphus noster successorum cum Ruperto, Palatino Electore, pactum inivit; in quo oppida Heidesheim & Wildberg ipsi promissa, si sine masculo herede deceperit Elector, quem vicissim terrarum Badensium scripsit heredem, si absque prole mascula obierit Marchio.

Eodem anno Rudolphus Diterico a Gemmingen investituram vici Damm concessit. Ouvenshemio autem duas curias in vico Bolach dedit in feudum.

§. V.

Prive-
legia Caro-
li IV.
Imp.

Tum temporis quoque Carolus IV. vectigal Groffii Turonensis Mülbergæ, & A. 1364 duorum Turonensium Schreckæ, de omnibus mercibus Marchioni concessit.

Quin & A. 1365. Comitatum Lœwensteinensem, Alberti Comitis morte ad Imperium redditum, eidem Spiræ contulit in feudum. Spes hæc tamen caruit effectu. (d)

(d) Primus Comes de Lœwenstein fuit Albertus, filius Rudolphi I. Imp. spurius, quem scriptoribus ignotum, charta patris A. 1283. prodit. Chartam

§. VI.

A. 1633. Ruperto I. Palatino Electori Belicheim & Bel-
heim, hodie præfecturæ Germersheimensis vicos, quos pignoris
jure ab Imperio tenuerat, Marchio noster oppigneravit. (e)
Reluit eos aut ipse, aut filius Bernhardus, qui A. 1383. illos de-
novo Palatino subjicit.

§. VII.

Triennio post Rudolphus auxilium præstítit Eginoni, Fribur-
genfia.
Friburgi Comiti, in bello, quod cum civibus suis & Brisacensibus,
Neoburgensibus & Basiliensibus gesſit. (f)

Eodem anno ab eodem Eginone omnes ejus vasallos infra
Bleicham flumen in Ortenavia, Rhenum inter & Nigram silvam,
biennioque post Castra Rotenfels, & Reichenbach coëmit.
Stollhovam vero, aliorum pignus, florenis bis mille ac ducentis
redemit.

H 3

hanc ex scrinio Elect. Palat. Codex noster Diplom. dabit. Comitatus
iste Friderico Victoriōso, Electori Palatino A. 1441. venditus est; unde
nova Comitum Lœwensteinenium progenies surrexit.

(e) Acta compromissi Aurelian. pag. 157. TOLNER in addit. ad Histor. Palat.
pag. 79. ubi error in nomine Marchionis.

(f) Histor. Bad. Tom. I. pag. 252.

§. VIII.

Bellum
cum
Eberh.
Wirtenb.

Cum Eberhardo, Wirtenbergiae Comite, congressus est bello, quod Carolus IV. Imperator, multorum Imperii Principum consilio, A. 1370. composuit, Johannem de Ofweil, Wolfg. de Steine, Bertoldum & Hermannum de Sachsenheim, Georgium de Entzberg aliasque Nobiles obstringens, ut bona quædam ex suis Marchioni nostro offerrent in feudum.

Eodem anno Leopoldus & Albertus, Austriæ Duces, Rudolphum suarum in Brisgovia terrarum, inter quas nominatim expressa sunt oppida Neoburgum, Brifacum, Friburgum, Kenzinga, quibus addita Villinga, constituerunt Advocatum provincialem & militiae Præfectum.

§. IX.

Mors &
sepultu-
ra.

Obiit Rudolphus XIII. Kal. Aprilis A. 1372. in Abbatia Lucidæ Vallis & quidem in Capella, Marchionum Badenfium sepulturæ destinata, sepultus. (g)

Ad latus Ecclesiæ Monasterii Lucidæ Vallis Capella est, quæ Principum mortuorum vocatur Capella, Sanctæ Annæ dedicata. In ea sepulti sunt plerique Badenses, Periodi Rudolphinæ Marchiones. In medio Capellæ visitur sepulcrale monumentum Rudolphi Longi, cum imagine ejus jacente, quam circumdat In-

(g) Necrolog. Lucidæ Vallis apud SCHANNAT. Vindem. Liter. Collect. I. pag. 166.

scriptio. Monumentum hoc æri incisum inter sepulcralia repræsentamus Lectori. Rudolphus Marchionum Badensium in Lichtenthal sepultorum postremus.

§. X.

Uxor Rudolfi Longi fuit Mechtildis, Johannis Comitis Coniux. Spanheimensis filia, (h) quam vivo patre Friderico sibi desponsit A. 1346. quinque millia librarum Hallenium cum ea accepturus pro dote. Ex summa hac duo millia Rupertus Palatinus, reliqua Johannes perfolvit.

Rudolpho dati sunt hujus pacti sponsores, Rudolphus & Rupertus Comites Palatini, fratres, Gerlacus Nassovius, Simon Salmensis, Walramus Spanheimensis, Adolphus & Johannes fratres Nassovii, Wilhelmus & Johannes Cattimelibocenses, Fridericus & Emico fratres Leiningenses Comites, præter alias inferioris Ordinis Nobiles.

Mechtildi, præter hanc dotem, ex hereditate paterna nihil debebatur, nisi patre dececente sine mascula prole. (i)

Mechtildis marito suo diu superstes, A. 1378. a Gerhardo de Staffort, milite, homines proprios superioris & inferioris Haræ sibi comparavit.

(h) Errant Genealogi, inter quos IMHOFFIUS in *Notitia procer. Germaniae* Lib. IV. Cap. VIII. §. 6. quod Mechtildem hanc Johannis Comitis Spanh. fororem, Heinrici filiam constituant. Emendatio nostra ex ipsis tabulis sponsalibus defumpta.

(i) Ane Leibs-Erben.

At alienavit eadem hæc Mechtildis plura. A. 1390. Ruperto II. Palatino Electori cessit bonis suis in Heidelsheim, Wildsberg (*k*) & Eppingen. (*l*)

A. 1391. eidem Electori tradidisse arcem Besisheim scribit TOLNERUS. (*m*)

A. 1406. Ruperto Cæsari, concessit castra sua Mosbach & Obernheim. (*n*)

§. XI.

Liberi.

Mechtildis mater fuit trium liberorum; Bernhardi, novam Familiae Badensis qui periodum condidit, Rudolphi VII. & Mechtildis, quæ Henrico XIII. Comiti Hennebergenſi nupta, A. 1421. deceſſit. (*o*)

(*k*) Alias Wiberg, hodie Wildberg.

(*l*) TOLNER in addit. ad *Histor. Palat.* ex Actis Comprom. Aurel. pag. 74.

(*m*) Idem l. c.

(*n*) Idem l. c.

(*o*) SPANGENBERG *Chron. Henneberg.* Lib. V. Cap. XVII. pag. 206. sq. ubi Mechtildis hujus matrem, quæ Spanheimensis genere fuit, Ebersteinensem male nominat.



C A P U T